



UNIVERSITÄTS-
BIBLIOTHEK
PADERBORN

Ioannis|| Climaci Ab-||batis Montis|| Synai,|| Scala Paradisi

Johannes <Climacus>

Coloniae, 1583

VD16 J 520

Vita Fratris Gregorij Cappadocis, & inuentio corporis Petri Solitarij sancti
Iordanis. Capvt XCII.

Nutzungsbedingungen

[urn:nbn:de:hbz:466:1-55433](https://nbn-resolving.org/urn:nbn:de:hbz:466:1-55433)

possum. Mansitque cum sene anno vno, nimum
in sacra exercitatione laborans. Post peractū au-
tem annum prostravit se frater Thallelaus seni
dicens: Ora pro me, pater. Nam per orationes tu-
as Deus abstulit à me laborem; neque enim iam
fatigor, neque me aëris inclementia affligit; non
æstu vror, non hyeme rigesco, sed in multa requie
sum. Senex verò benedixit eum, peractisque cum
sene duobus alijs annis cum dimidio frater Thal-
lelaus præsciuit obitum suum, oravitque senem
dicens: Duc me, quæso, ¹ Hierosolymam, vt ado-
rem sanctam Crucem, & sanctam Christi Domi-
ni, & Dei mei resurrectionē. His enī diebus Domi-
nus assumet me. Senex autem, eo sumpto, profe-
ctus est in sanctā ciuitatem Itaq; cū adorasset
sacra, & venerabilia loca, descendissentque in san-
ctum Iordanē & ibi lauissent, post dies tres obdor-
miuit in Domino frater Thallelaus, sepeliuit illū
senex in monasterio Copratha. Post aliquantu-
lum verò temporis requieuit & Abbas Gregorius
Anachoreta, sepelieruntque illum eiusdem mo-
nasterij patres in Ecclesia:

¹ *Ecce peregrinationem ad loca sancta, adorationis gra-
tia, ecce Crucem Domini adorari solitam.*

*Vita Fratris Gregorij Cappadocis, & inuentio-
nis Petri Solitarij sancti Iordanis.*

C A P V T X C I I .

N Arrauit nobis venerabilis pater noster Ab-
bas Gregorius Archrimandrita monasterij
sancti patris nostri Theodosij, quod posita
est in eremo sanctæ Christi Domini nostri ciuita-
tis, mihi .sc. & fratri Sophronio Sophistæ dicens:
Habui hic fratrem nomine Gregoriū Cappadocem,
habebat

habebat autem ministerium suum in Phaselide. Die verò quadam cū fratres facerent panes, succendebat clibanum frater Gregorius. Sed cū succendisset illum, non inuenit, cum quo deberet extergere furnum, fratres enim ipsum pannum absconderant, vt tentarent eum. Ingressus est ergo furnū, vestimentoq; suo illum deterfit, nihil omnino ab igne læsus. Ego autem, hoc audito, corripui fratres, quod ita ipsum tentassent.

Narrauit nobis & hoc idem Abbas Gregorius pater noster de eodem fratre Gregorio dicens: Die quadam pascebat porcos in Phaselide. Veneruntq; duo leones, vt porcum raperent. At ille sumens virgam suam, persecutus est eos vsq; ad sanctum Iordanem.

Rursus idem pater noster narrauit nobis, dicens: Cū ædificare inciperem templū sancti Quirici in Phaselide, effodiens templi fundamēta apparuit mihi in somnis monachus quidam magnæ, vt videbatur, abstinentiæ, indutus palma, ferensq; in humeris paruulū collobium de psiathio, dixitq; mihi a voce mitissima: Dic, Abba Gregori, nunquid post tantos labores tantāq; abstinentiā, debuisti me extra templū, qd ædificas, dimittere? Ego autē senis vocem, habentemq; reueritus, aio ad illum: Non, domine, Absit a me, vt hoc faciam. Et ille: Verè hoc fecisti. Dixi autem ad illum: Quis nam es tu, domine? Ego, inquit, sum Petrus solitarius sancti Iordanis. Itaq; surgens mane, perrexi, & quæsiui fodiens circa templum. Cūq; foderem, inueni corpus eius ita iacens, sicut in somnis illum videram. Constructoq; oratorio feci monumentum præclarum in dextera templi parte, & illic eum deposui.

1 *Vides quòd etiam antiquitus in honorem Sanctorum
templa edificabantur?*

2 *Quid dicis tu, qui vocas sanctos emortuos? Suntne hec
mortuorum opera?*

*Vita Abbatis Sisinij, qui Episcopatu renuntiavit,
& eius Discipuli.*

C A P V T X C I I I .

Narrauit nobis idem pater noster Gregorius
dicens: Quadam die profectus sum ad Ab-
batem Sisinium Anachoretam. Erat autem
hic senex, qui relicto Episcopatu suo propter Chri-
stum, venerat prope Castellum, quod appellatur
Bethabara, & à sancto Iordane sex fermè milliari-
bus distat, ibique vitam solitariam agebat. Cum
ergo venissem ad senem, & diu pulsarem, post mul-
tam horam aperuit discipulus eius, & ait mihi: Ve-
rè, domine Abba, infirmat⁹ est senex vsq; ad mor-
tem, orauitque Deum, ne de hoc secu'o migraret,
donec audirer aduenisse te in hãc regionem. Iu-
eram enim Constantinopolim pro necessitate ce-
nobij ad piissimum Imperatorem Tyberium. Cũ
ergo profectus esset ad senem, annunciaissetque il-
li meum aduentum, post prolixam horam descen-
dit, dicens mihi: Ascende, pater. Ascendentes au-
tem inuenimus senem obdormisse in pace. Cog-
nouit igitur, quia mox vt didicit me esse, qui pul-
saucram, migravit ad Dominum. Et cum illum
amplexarer, ait mihi defunctus leni, ac miti voce:
Benè venit Abbas meus. Rursumq; obdormiuit.
Nunciaui igitur in locis illis, vt venirent, & sepe-
lirent senem. Cum ergo venissent, & monumen-
tum foderent, ait discipulus senis fodientibus se-
pulchrum. Facite charitatem, & aliquantulum la-
tius fodite, vt duos capiat. Et cum illi foderent, po-
suit